



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Idem.

urn:nbn:de:hbz:466:1-13589

Officio Sanctissime Inquisitionis.

43



R B A N V S Episcopus seruus seruorum Dei, dilectis filiis prouinciali, ac ceteris conuentualibus, Prioribus, & subprioribus, eorumque vicarijs ordinis Prædicatorum, Lombardia, ac Marchia Ianuensis, Salutem & Apostolicam benedictionem.

Edita anno Domini 1262.

N E Catholicæ fidei negotium, dilectis filiis fratribus vestri ordinis in Lombardia, & Marchia Ianuensi, infra designatos eis limites, Sedis Apostolicæ auctoritate commissum, & in posterum committendum, ex personarum defectu contingant,

Ex Archiuijo Inquisitionis Bononiensi.

(quod absit) quomodolibet impediri: volumus, & præsentium vobis auctoritate, districtè præcipiendo mandamus, quatenus tu fili Prior prouincialis, singulis ex prædictis fratribus, singulos socios, fratres videlicet ipsius ordinis prouidos, & discretos, ac idem negotio congruentes, de quibus hi, quibus assignati fuerint, merito valeant consolari, sublata difficultate qualibet, assignare procures, & nihilominus tam tu, quàm vos alij Priores, subpriores conuentuales, ac vicarij, quoties ab eisdem, fratribus, quibus dictum est commissum negotium, ac committeretur in posterum, fueritis requisiti, & dicto negotio, fuerit opportunum, de alijs etiam fratribus eiusdem ordinis, præter illos, qui eis in socios deputati fuerint, cum omni promptitudine prouidere curetis: ita quòd præfatum negotium nullam ex negligentia vestra dilationem capiat, sed potius ex diligentia continuum suscipiat incrementum. Datum apud Urbem veterem vii, Kalen. Nouemb. Pontificatus nostri Anno secundo.

CLEMENS PAPA IIII.

Præcipit, vt Inquisitores compellant seculares magistratus, quarumlibet ciuitatum, & locorum per excommunicationem in personas, & interdictum in terras, monitione præmissa, vt faciant conscribi in suis capitularibus, & inuolabiliter custodiri constitutiones Innocentij iij. non obstante aliqua Indulgentia Sedis Apostolicæ, quod excommunicari nequeant, vel eorum terræ interdicti.

C L E M E N S Episcopus seruus seruorum Dei, dilectis filiis fratribus Prædicatorum, & Minorum ordinum, inquisitoribus hæreticæ prauitatis per Italiam auctoritate Sedis Apostolicæ deputatis, & in posterum deputandis, Salutem & Apostolicam benedictionem.

Edita anno Domini 1265.

A D extirpanda de medio populi Christiani hæreticæ prauitatis zizania, quæ abundantius solito succreuerunt, superseminante illa licentius his diebus homine inimico, tanto studiosius, iuxta commissam nobis sollicitudinem insudare proponimus, quanto perniciosius negligere eadem in necem catholici seminis peruagari. Vt autem aduersus huiusmodi nequitie operarios surgant, stentque firmiter Ecclesiæ filij, ac orthodoxæ fidei zelatores, Constitutiones quædam felicitis recordationis Innocentius Papa prædecessor noster ad extirpationem hæreticæ pestis edidit, & tam ipse, quàm felicitis memoriæ Alexander Papa prædecessor noster, Dilectis filiis Potestatibus siue Rectoribus, Consulibus, Capitaneis, Antianis, Consilijs, & Communitatibus Ciuitatum Castorum, aliorumque locorum per Italiam constitutis mandarunt, vt constitutiones ipsas, in suis conscribi Capitularibus facerent, & exacta diligentia obseruarent: vnde prædictis Potestatibus siue Rectoribus, Consulibus, Capitaneis, Antianis, Consilijs, & Communitatibus, damus nostris litteris in mandatis, vt ipsi & singuli eorum constitutiones easdem, cum quibusdam adiectionibus, modificationibus, & declarationibus per dictum Alexandrum prædecessorem nostrum, & etiam per nos factas, conscribi in suis capitularibus facientes, nullis inde temporibus abolendas, secundum eas contra omnem hæresim se aduersus hanc Sanctam Ecclesiam extollentem, sine aliqua omissione procedant. Quo circa discretioni vestræ per Apostolica scripta mandamus, quatenus si dicti Potestates siue Rectores, Consules, Capitanei, Antiani, Consilia & communitates, mandatum nostrum super hoc neglexerint adimplere, vos & singuli vestrum, illos, & singulos eorum, infra designatos vobis limites, per excommunicationem in personas, & interdictum in terras eorum, monitione præmissa appellatione remota cogatis. Non obstante si aliquibus a Sede Apostolica sit indultum, vel in posterum indulgeri contingat, quòd personæ excommunicari, ac ciuitates, castra, terræ, & loca ipsorum interdicti non possint, siue qualibet alia indulgentia sedis eiusdem, per quam effectus præsentium impediri valeat vel differri, & de qua cuiusque toto tenore, de verbo ad verbum specialem, & expressam in nostris litteris oporteat fieri mentionem: & constitutione de duabus dictis edita in Concilio generali. Dat. Perusij xv. Kalen. Febr. Pontificatus nostri Anno primo.

Ex Archiuijo cõuentu S. Francisci de Assisio.

† Hæc constitutiones incipiunt Ad extirpanda, & supra sunt in serice.

I D E M.

Minister prouincialis de consilio discretorum fratrum sui ordinis Inquisitores idoneos eligit, quibus præcipiat in virtute sanctæ obedientiæ, vt Inquisitionis officium in locis sibi commissis viriliter exercent contra hæreticos, credentes fautores, defensores, & receptatores eorum iuxta formam in alijs litteris expressam. Quòd si ex aliqua causa aliquis Inquisitor fuerit amonendus, eo amoto de consilio discretorum alium substituatur cum pari auctoritate & potestate: idem faciat Inquisitore mortuo.

Hoc

Hoc priuilegium tributum Ministris Generalibus, & Prouincialibus Prędicatorum, & Minorũ ordinum eligendi, deponendi, & substituendi Inquisitores in suis prouincijs, prius etiã concessit Innocentius iiii. rescripto incipiente. Odore suaui quod nos vidimus authenticũ. Iam hoc ipsum priuilegiũ trãsmissum ab eodem Clemente iiii. fratrib. Prędicatoribus, vidimus in Archiuo inquisitionis Bononiensis, datum Perusij xv. Kalen. Nouemb. Pontificatus sui, anno primo, quo tribuit potestatem eligendi octo Inquisitores; Benedictus vñdecimus decẽ adiecit, rescripto incipiente: Licet olim, quod item vidimus in inquisitione Bononiensi. Cęterum nunc nec Ministri ordinum Generales nec Prouinciales solẽt inquisitores eligere, nec deponere, mutare, vel transferre, inconsulto sacrosanctę, & generalis Romanę inquisitionis Senatu: imò vero hodie Cardinales Generales inquisitores ista faciunt.

Edita anno Domini 1265.

Ex Archiuo Inquisitionis Bononiensis. Concordat rescriptum Innocentij iiii. Licet ex omnibus rescriptis sup.

Fymericus in Directorio, p. 99. & seq.

CLEMENS Episcopus seruus seruorum Dei, dilecto filio... Ministro Prouinciali fratrum ordinis Minorum in administratione beati Francisci, Salutem & Apostolicam benedictionem. **L**ICET ex omnibus mundi partibus, quę Christiana religione censentur, teneamus ex officii nostri debito extirpare lethiferã pestem hæreticę prauitatis; in Italia tamen imminet nobis hæc sollicitudo propensius, vbi eandem pestem propter malitiam temporis, quę in detrimentum fidei Catholicę peruersa genimina germinauit, ex vicinitate persensimus aabundantius succurrisse. Cupientes igitur in Spoletan. Fulginat. Assinart. Nuocerin. vsque ad montes Apeninos dumtaxat, Eugubin. Ciuitate Castel. Perusin. Tudertin. Amelien. Narnien. & Interannen. Ciuitatibus, & diocęsibus suis, necnon & terris Machilon. & Amiterni, & dominorum de Monticellis, & Sumatis, ac etiam inde Arquate, & Tusi Castris, & Aice de Salli, & eorum pertinentis Reatin. & Alculan. diocęs. per aliquos de fratribus tui ordinis partem super hoc nostię sollicitudinis adimpleri, discretioni tuę per Apostolica scripta firmiter præcipiendo mandamus, quatenus de consilio aliquorum discretorum fratrum ipsius ordinis, eligas duos de fratribus eiusdem ordinis tuę administrationis, idoneos ad huiusmodi opus Dominicum exequendum, eisque in virtute obedientię districtę Apostolica præcipere auctoritate procures, vt Inquisitionis officium in locis prædictis, contra hæreticos, credentes, fautores, defensores, & receptatores eorum, iuxta formam in alijs litteris nostris expressam, quas fratribus prædicti ordinis Inquisitoribus huiusmodi prauitatis, in eisdem locis deputatis auctoritate Apostolica, & in posterum deputandis, non expressis aliquorum nominibus, super exequendo dicto Inquisitionis officio destinamus exequi studeant diligenter. Nos enim prædictos duos fratres, quos ad hoc elegeris, & vtrumque ipsorum, præfatum officium exequi, iuxta formam in litteris ipsis expressam, ac ipsos illam potestatem, & auctoritatem plenarię habere volumus, quę in eisdem litteris continetur.

Si vero tu vel vicarius tuus te absente, aliquem Inquisitorum huiusmodi, ex aliqua forte causa nunquam fore videris amouendum, ipsum amoueatis, & substituatis loco eius alium, quem similem potestatem, & auctoritatem habere volumus, quoties vobis deliberatione cum aliquibus discretis fratribus dicti ordinis præhabita, hoc fore videbitur faciendum: & si aliquem vel aliquos Inquisitorum ipsorum deeedere fortẽ contigerit. Nos substituendi de consilio aliquorum discretorum fratrum eiusdem ordinis, alium vel alios loco illius vel illorum qui decesserint, ita quod huiusmodi substituti eisdem omnino auctoritate ac potestate fungantur, tibi dictoque vicario si tu absens fueris, plenam, & liberam concedimus tenore presentium facultatem. Datum Perusij iij. Kalen. Octobris, Pontificatus nostri Anno primo.

Io. de Camp.
pro Cur.

I D E M.

Fredericus Romanorum Imperator eius nominis secundus, ad annos Domini 1220. ad Imperij dignitatem euectus, non multo post tempore ab Honorio III. Romę Imperij diadema honorificę accepit. hic Fredericus quo anno Imperator est pronunciat, Patavi multas leges tulit in fauorem Ecclesię, & contra hæreticam prauitatem, quas multi Romani Põtifices confirmarunt, videlicet Innocentius III. anno Domini, 1253. & Alexander III. anno Domini 1258. & Clemens III. in presenti rescripto anno Domini 1265. quas nominatim etiam suis rescriptis inserunt, & penitus obseruari iubent.

Eas leges in rescripto Innocentij iiii. insertas supra curauimus imprimendas: sed quoniam tunc defuerunt authentica seu originalia exempla in nonnullis variatum fuerat, & propterea consulto sublata omni lectiois varietate, & incertitudinis scrupulo alias duximus imprimendas.

Edita anno Domini 1265.
Ex Archiuo conuentus sancti Francisci de Assisio.



CLEMENS Episcopus seruus seruorum Dei, Dilectis filiis Potestatibus, siue Rectoribus, Consulibus, Capitaneis, Antianis, Consilijs, & Communitatibus Ciuitatum aliorumque locorum per Italiam constitutis, Salutem & Apostolicam Benedictionem. **C**VM aduersus hæreticam prauitatem quondam Fredericus olim Romanorum Imperator, & tunc in Ecclesię Romanę deuotione persistens, promulgauerit Paduę quasdã leges